

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

APR 15 1952

28

T 5759 / 3240 (21-29)

Blank page with faint bleed-through text from the reverse side. The text is illegible due to fading.

Blank page with faint bleed-through text from the reverse side. The text is illegible due to fading.

第七十八回

會夾谷孔子卻齊

墮三都聞人伏法

話說齊景公見晉不能伐楚人心星散代興之謀愈急乃糾合衛鄭自稱盟主魯昭公前爲季孫意如所逐景公謀納之意如固拒不從昭公改而求晉晉荀躒得意如賄賂亦不果納昭公客死意如遂廢太子衍及其母弟務人而援立庶子宋爲君是爲定公因季氏與荀躒通賄遂事晉而不事齊齊侯大怒用世臣國夏爲將屢侵魯境魯不能報未幾季孫意如卒子斯立是爲季康子說起季孟叔三家自昭公在國之日已三分魯國各用家臣爲政魯君不

哈佛大學  
圖書館  
珍藏印

復有公臣。於是家臣又竊三大夫之權。展轉恣肆。凌轢其  
 主。今日季孫斯。孟孫何忌。叔孫州仇。雖然三家鼎立。邑宰  
 各據其城。以為已物。三家號令不行。無可奈何。季氏之宗  
 邑曰費。其宰公山不狃。孟氏之宗邑曰成。其宰公斂陽。叔  
 氏之宗邑曰郈。其宰公若藐。這三處城垣。皆三家自家增  
 築。極其堅厚。與曲阜都城一般。那三箇邑宰中。惟公山不  
 狃尤為強橫。更有家臣一人。姓陽。名虎。字貨。生得鴛肩巨  
 額。身長九尺有餘。勇力過人。智謀百出。季斯起初任為腹  
 心。使為家宰。邑宰主邑事。家宰主家事。後漸專季氏之家政。擅作威福。  
 季氏反為所制。無可奈何。季氏內為倍臣。所制外受齊國

孔子出見

侵凌。束手無策。時又有少正卯。少正官。卯名也。者。為人博聞強記。  
 巧辨能言。通國號為聞人。言多聞也。三家倚之為重。卯面是背  
 非。陰陽其說。見三家則稱頌其佐君匡國之功。見陽虎等  
 又托為強公室抑私家之說。彼之挾魯侯以令三家。挑得  
 上下如水火。而人皆悅其辨給。莫悟其奸。內中單說孟孫  
 何忌。乃是仲孫獲之子。仲孫蔑之孫。獲在位之日。慕魯國  
 孔仲尼之名。使其子從之學禮。那孔仲尼名丘。其父叔梁  
 紇。常為鄒邑。即邾地。大夫。即偪陽手托懸門之勇士也。紇娶  
 于魯之施氏。多女而無子。其妾生一子曰孟皮。病足成廢  
 人。乃求婚于顏氏。顏氏有五女。俱未聘。疑紇年老。謂諸女

曰誰願適鄒大夫者諸女莫對最幼女曰徵在出應曰女  
 子之義在家從父惟父所命何問焉顏氏奇其語即以徵  
 在許婚既歸紇夫婦憂無子共禱于尼山之谷曲阜接  
 在升山時草木之葉皆上起及禱畢而下草木之葉皆下  
 垂是夜徵在夢黑帝見召囑曰汝有聖子若產必于空桑  
 之中覺而有孕一日恍惚若夢見五老人列於庭自稱五  
 星之精狎一獸似小牛而獨角文如龍鱗向徵在而伏口  
 吐玉尺上有文曰水精之子繼衰周而素王徵在心知其  
 異以繡紱音弗紐也繫其角而去告于叔梁紇紇曰此獸必麒麟  
 也及產期徵在問地有名空桑者乎叔梁紇曰南山有

空竇竇有石門而無水俗名亦呼空桑徵在曰吾將往產  
 於此紇問其故徵在乃述前夢遂攜臥具于空竇中其夜  
 有二蒼龍自天而下守于山之左右又有二神女擎香露  
 於空中以沐徵在良久乃去徵在遂產孔子石門中忽有  
 清泉流出自然溫暖浴畢泉即涸今曲阜縣南二十八里  
 俗呼女陵山即空桑也孔子生有異相牛脣虎掌鸞肩龜  
 脊海口輔喉頂門狀如反宇謂中低而父紇曰此兒秉尼  
 山之靈因名曰丘字仲尼仲尼生未幾而紇卒育于徵在  
 既長身長九尺六寸人呼為長人有聖德好學不倦周遊  
 列國弟子滿天下國君無不敬慕其名而為權貴當事所

忌竟無能用之者。是時適在魯國。何忌言于季斯曰。欲定  
 內外之變。非用孔子不可。季斯召孔子與語。竟日。如在江  
 海中。莫窺其際。季斯起更衣。忽有費邑季氏封邑人至。報曰。穿  
 井者得土缶。謂土有空處如缶內有羊一隻。不知何物。斯欲試孔  
 子之學。囑使勿言。既入坐。謂孔子曰。或穿井於土中。得狗  
 此何物也。孔子曰。以某言之。此必羊也。非狗也。斯驚問其  
 故。孔子曰。某聞山之怪曰夔。魍魎。夔音達。一足。卽山魃也。魍魎山精。好學人。聲音  
 以迷惑人水之怪曰龍罔象。罔象龍類。能食人土之怪曰羆羊。今得之  
 穿井是在土中。其爲羊必矣。斯曰。何以謂之羆羊。孔子曰。  
 非雌非雄。徒有其形。斯乃召費人問之。果不成雌雄者。於

是大驚曰。仲尼之學。果不可及。乃用爲中都。今汶上縣宰。此事

傳聞至楚。楚昭王使人致幣于孔子。詢以渡江所得之物。

孔子答使者曰。是名萍實。可割而食也。使者曰。夫子何以

知之。孔子曰。某曾問津于楚。聞小兒謠曰。楚王渡江得萍

實。大如斗。赤如日。採而嘗之。甜如蜜。是以知之。使者曰。可

常得乎。孔子曰。萍者。浮泛不根之物。乃結而成實。雖千百

年不易得也。此乃散而復聚。衰而復興之兆。可爲楚王賀

矣。使者歸告昭王。昭王嘆服不已。孔子在中都大治四方

皆遣人觀其政教。以爲法則。魯定公知其賢。召爲司空。周

敬王十九年。陽虎欲亂魯而專其政。知叔孫輒。叔氏之無庶子

寵於叔孫氏而與費邑宰公山不狃相厚乃與二人商議欲以計先殺季孫然後并除仲叔以公山不狃代斯之位以叔孫輒代州仇之位已代孟孫何忌之位虎慕孔子之賢欲招致門下以為已助使人諷之來見孔子不從乃以蒸豚饋之孔子曰虎誘我往謝而見我也令弟子伺虎出外投刺于門而歸虎竟不能屈孔子密言于何忌曰虎必為亂亂必始于季氏子預為之備乃可免也何忌偽為築室于南門之外立柵聚材選牧圉之壯勇者三百人為傭名曰興工實以備亂又語成宰成孟氏邑公斂陽使繕甲待命

有報至星夜前來赴援是年秋八月魯將行禘祭虎請

以禘之明日享季孫于蒲圃圃門在東門之外何忌聞之曰虎享

季孫事可疑矣乃使人馳告公斂陽約定日中率甲繇東門至南門一路觀變至享期陽虎親至季氏之門請季斯登車陽虎在前為導虎之從弟陽越在後左右皆陽氏之黨惟御車者林楚世為季氏門下之客季斯心疑有變私語林楚曰汝能以吾車適孟氏乎林楚點頭會意行至大衢林楚遽輓轡南向以鞭策連擊其馬馬怒而馳楊越望見大呼收轡林楚不應復加鞭馬行益急楊越怒彎弓射楚不中亦鞭其馬心急鞭墜越拾鞭季氏之車已去遠矣季斯出南門逕入孟氏之室閉其柵號曰孟孫救我何忌

使三百壯士挾弓矢伏于柵門以待。須臾楊越至，率其徒攻柵。三百人從柵內發矢，中者輒倒。楊越身中數箭而死。且說陽貨行及東門，回顧不見了季孫，乃轉轅復循舊路。至大衢，問路人曰：「見相國車否？」路人曰：「馬驚已出南門矣。」語未畢，陽越之敗卒亦到，方知越已射死。季孫已避入孟氏新宮。虎大怒，驅其眾急往公宮，劫定公以出朝。遇叔孫州仇于途，并劫之，盡發公宮之甲，與叔孫氏家眾共攻孟氏于南門。何忌率三百人力拒之。陽虎命以火焚柵，季斯懼，何忌使視日方中，曰：「成兵且至，不足慮也。」言未畢，只東角上一員猛將領兵呼哨而至，大叫：「勿犯吾主。」公斂

陽在此。陽虎大怒，便奮長戈迎住，公斂陽斲殺二將，各施逞本事，戰五十餘合。陽虎精神愈增，公斂陽漸漸力怯。叔孫州仇遽從後呼曰：「虎敗矣。」即率其家眾前擁定公西走。公徒亦從之。何忌引壯士開柵殺出，季氏之家臣苦越亦帥甲而至。陽虎孤寡無助，倒戈而走。入謹陽關。在兗州府城北據之。三家合兵以攻關。虎力不能支，命放火焚萊門。魯師避火却退。虎冒火而出，遂奔齊國。見景公，以所據謹陽之田獻之。欲借兵伐魯。大夫鮑國進曰：「魯方用孔某，未可敵也。不如執陽虎而歸其田，以媚孔某。」景公從之。乃囚虎于西鄙。虎以酒醉守者，乘輜車逃奔宋國。宋使居于匡。在歸德府



西 虎虐用匡人匡人欲殺之復奔晉國仕于趙鞅爲臣不在話下宋儒論陽虎以陪臣而謀賊其家主固爲大逆然季氏放逐其君專執魯政家臣從旁竊視已非一日今日效其所爲乃天理報施之常不足怪也有詩云

當時季氏凌孤主

今日家臣叛主君

自作忠奸還自受

前車音響後車聞

又有言魯自惠公之世僭用天子禮樂其後三桓之家舞八佾歌雍徹大夫目無諸侯故家臣亦目無大夫悖逆相仍其來遠矣詩云

九成于戚舞團團

借問何人啓僭端

要使國中無叛逆

重將禮樂問周官

齊景公失了陽虎又恐魯人怪其納叛乃使人致書魯定公說明陽虎奔晉之故就約魯侯于齊魯界上夾谷山前

山在萊蕪縣一名祝其山

爲乘車之會

乘車不以通兩國之好

永息干戈

定公得書即召三家商議仲孫何忌曰齊人多詐主公不可輕往季孫斯曰齊屢次加兵于我今欲修好奈何拒之定公曰寡人若去何人保駕何忌曰非臣師孔某不可定公即召孔子以相禮之事屬之乘車已具定公將行孔子奏曰臣聞有文事者必有武備有武事者必有文備文武之事不可相離古者諸侯出疆必具官以從宋襄公會

孟之事可鑒也。請具左右司馬，以防不虞。定公從其言，乃使大夫申句須爲右司馬，樂頎音欣爲左司馬。各率兵車五千乘，遠遠從行。又命大夫茲無還率兵車三百乘，離會所十里下寨。既至夾谷，齊景公先在，設立壇位，爲土階三層，制度簡略。齊侯幕于壇之右，魯侯幕于壇之左。孔子聞齊國兵衛甚盛，亦命申句須、樂頎緊緊相隨。時齊大夫黎彌史記作黎錡以善謀稱，自梁丘據死後，景公特寵信之。是夜黎彌叩幕請見，景公召入，問卿有何事。昏夜來此，黎彌奏曰：齊魯爲仇，非一日矣。止爲孔某賢聖，用事于魯，恐其他日害齊，故爲今日之會耳。臣觀孔某爲人，知禮而無勇，不習

戰伐之事。明日主公會禮畢後，請奏四方之樂，以娛魯君。乃使萊夷三百人假做樂工，鼓噪而前，覷便拿住魯侯，并執孔某。臣約會車乘，從壇下殺散魯衆。那時魯國君臣之命，懸于吾手。憑主公如何處分，豈不勝于用兵侵伐耶？景公曰：此事可否，當與相國謂晏子謀之。黎彌曰：相國素與孔某有交，若通彼得知，其事必不行矣。臣請獨任。景公曰：寡人聽卿，卿須仔細。黎彌自去，暗約萊兵行事去了。次早兩君集于壇下，揖讓而登。齊是晏嬰爲相，魯是孔子爲相，兩相一揖之後，各從其主。登壇交拜，敘太公周公之好，交致玉帛，酬獻之禮。既畢，景公曰：寡人有四方之樂，願與君共

觀之。遂傳令先使萊人上前奏其本土之樂。於是壇下鼓聲大振。萊夷三百人雜執旄旌羽被音弗舞者所執矛戟劔楯。蜂擁而至。口中呼哨之聲相和不絕。歷階之半。定公色變。孔子全無懼意。趨立于景公之前。舉袂而言曰。吾兩君爲好會。本行中國之禮。安用夷狄之樂。請命有司去之。晏子不知黎彌之計。亦奏景公曰。孔某所言。乃正禮也。景公大慙。急麾萊夷使退。黎彌伏于壇下。只等萊夷動手。一齊發作。見齊侯打發下來。心中甚愠。乃召本國優人分付筵席中間。召汝奏樂。要歌做筍之詩。任情戲謔。若得魯君臣或笑或怒。我這里有重賞。原來那詩乃文姜淫亂故事。欲以羞

辱魯國。黎彌升階。奏于齊侯曰。請奏宮中之樂。爲兩君壽。景公曰。宮中之樂。非夷樂也。可速奏之。黎彌傳齊侯之命。倡優侏儒二十餘人。異服塗面。裝女扮男。分爲二隊。擁至魯侯面前。跳的跳舞的舞。口中齊歌的。都是淫詞。且歌且笑。孔子按劔張目。覷定景公。奏曰。匹夫戲諸侯者。罪當死。請齊司馬行法。景公不應。優人戲笑如故。孔子曰。兩國旣已通好。如兄弟然。魯國之司馬。卽齊之司馬也。乃舉袖向下麾之。大呼。申句須。樂頎何在。二將飛馳上壇。於男女二隊中。各執領班一人。當下斬首。餘人驚走不迭。景公心中駭然。魯定公隨即起身。黎彌初意。還想於壇下邀截魯侯。

一、來見孔子有此手段。二、來見申樂二將英雄。三、來打探得十里之外。即有魯軍屯札。遂縮頸而退。會散景公歸幕。召黎彌責之曰。孔某相其君所行者。皆是古人之道。汝偏使寡人入夷狄之俗。寡人本欲修好。今反成仇矣。黎彌惶恐謝罪。不敢對一語。晏子進曰。臣聞小人知其過。謝之以文。君子知其過。謝之以質。今魯有汶陽之田三處。其一曰謹。乃陽虎所獻不義之物。其二曰鄆。即鄆城縣乃昔年所取。以寓魯昭公者。其三曰龜陰。太山博縣北有龜山田在其陰乃先君頃公時。仗晉力索之于魯者。那三處皆魯故物。當先君桓公之日。曹沫登壇劫盟。單取此田。田不歸魯。魯志不甘。主公乘此

機以三田謝過。魯君臣必喜而齊魯之交固矣。景公大悅。即遣晏子致三田於魯。此周敬王二十四年事也。史臣有詩云。

紛然鼓噪起萊戈  
無奈壇前片語何  
知禮之人偏有勇  
三田買得兩君和

又詩單讚齊景公能虚心謝過。所以為賢君。幾于復霸。詩云。

盟壇失計聽黎彌  
臣諫君從兩得之  
不惜三田稱謝過  
顯名千古播華夷

這汶陽田原是昔時魯僖公賜與季友者。今日名雖歸魯。

死國志  
實歸季氏。以此季斯心感孔氏，特築城于龜陰，名曰謝城。以旌孔子之功。言於定公，升孔子為大司寇之職。時齊之南境忽來一大鳥，約長三尺，黑身白頸，長喙獨足，鼓雙翼舞于田間，野人逐之不得，飛騰望北而去。季斯聞有此怪，以問孔子。孔子曰：此鳥名曰商羊，生于北海之濱。天降大雨，商羊起舞，所見之地必有淫雨，為災齊魯接壤，不可不預為之備。季斯預戒汶上百姓修隄蓋屋，不三日果然天降大雨，汶水泛溢，魯民有備無患。其事傳布齊邦，景公益以孔子為神，自是孔子博學之名傳播天下，人皆呼為聖人矣。有詩為證。

五典三墳漫究詳

誰知萍實辨商羊

多能將聖繇天縱

贏得芳名四海揚

出見

季斯訪人才于孔子之門，孔子薦仲由。

字子路

冉求。

字子可

使從政。季氏俱用為家臣。忽一日季斯問于孔子曰：陽虎

雖去，不狃復興，何以制之？孔子曰：欲制之，先明禮制。古者

臣無藏甲，大夫無百雉之城，故邑宰無所憑以為亂。子何

不墮其城，撤其武備，上下相安，可以永久。季斯以為然，轉

告于孟叔二氏。孟孫何忌曰：苟利家國，吾豈恤其私哉？時

少正卯忌孔子，師徒用事，欲敗其功，使叔輒密地送信于

公山不狃，不狃欲據城以叛。知孔子素為魯人所敬重，亦

思借助乃厚致禮幣遺以書曰

魯自三桓擅政君弱臣強人心積憤不狃雖為季宰實慕公義願以費歸公為公臣輔公以鋤強暴俾魯國復見周公之舊夫子倘見許願移駕過費面決其事不腆路犒伏惟不鄙

孔子謂定公曰不狃若叛未免勞兵臣願輕身一往說其回心改過何如定公曰國家多事全賴夫子主持豈可去寡人左右耶孔子遂却其書幣不狃見孔子不往遂約會成宰公與陽邱宰公治藐同時起兵為逆陽與藐俱不從却說邱是馬正馬官之長侯犯勇力善射為邠人所畏服素有不臣之志遂使圉人刺藐殺之自立為邠宰發邠眾登城為拒命之計州仇聞邠叛往告何忌何忌曰吾助子一臂當共滅此叛奴於是孟叔二家連兵往討遂圍邠城侯犯悉力拒戰攻者多死不能取勝何忌教州仇求援于齊時叔氏家臣駟赤在邠城中偽附侯犯侯犯親信之赤謂犯曰叔氏遣使如齊乞師矣齊魯合兵不可當也子何不以邱降齊齊外雖親魯內實忌之得邠可以偏魯齊必大喜而倍以他地酬子總之得地而可去危以就安又何不利之有侯犯曰此計甚善即遣人乞降于齊以邠邑獻之齊景公召晏嬰問曰叔孫氏乞兵伐邠侯犯又以邠來降寡

不臣之志遂使圉人刺藐殺之自立為邠宰發邠眾登城為拒命之計州仇聞邠叛往告何忌何忌曰吾助子一臂當共滅此叛奴於是孟叔二家連兵往討遂圍邠城侯犯悉力拒戰攻者多死不能取勝何忌教州仇求援于齊時叔氏家臣駟赤在邠城中偽附侯犯侯犯親信之赤謂犯曰叔氏遣使如齊乞師矣齊魯合兵不可當也子何不以邱降齊齊外雖親魯內實忌之得邠可以偏魯齊必大喜而倍以他地酬子總之得地而可去危以就安又何不利之有侯犯曰此計甚善即遣人乞降于齊以邠邑獻之齊景公召晏嬰問曰叔孫氏乞兵伐邠侯犯又以邠來降寡

人將何適從。晏子對曰：方與魯講好，豈可受其叛臣之獻乎？助叔孫氏爲是。景公笑曰：郈乃叔孫私邑，于魯侯無與。况叔孫氏君臣自相魚肉，魯之不幸，實齊之幸也。寡人有計在此，當兩許其使，以誤之。乃使司馬穰苴屯兵于界上，以觀其變。若侯犯，能禦叔孫，便分兵據郈，迎侯犯歸于齊。國若叔孫勝了，侯犯便說助攻郈城，臨時便宜行事。此是齊景公的奸雄處。却說駟赤見侯犯遣使往齊去了，復謂犯曰：齊新與魯侯爲會，助魯助郈，未可定也。宜多置兵甲于門，萬一事變不測，可以自衛。侯犯乃一勇之夫，信爲此語，遂選精甲利兵，畱于門下。駟赤將羽書射于城外，魯

拾得，獻于州仇。州仇發書看之，書中言臣赤已安排逆犯，十有七八，不日城中當有內變。主君不須掛念。州仇大喜，報知何忌，嚴兵以待。數日後，侯犯使者自齊回，言齊侯已許下矣，願以他邑相償。駟赤入賀侯犯，而出使人宣言于衆曰：侯氏將遷，郈民以附齊。使者回言齊師將至，奈何！一時人情洶洶，多有造駟赤處問信者。赤曰：吾亦聞之，齊新與魯好，不便得地將遷。爾戶口以實聊攝，東昌府之虛耳。自古道安土重遷，說了離鄉背井，那一箇不怕的。衆人聽說，互相傳語，各有怨心。忽一夜，駟赤探知侯犯飲酒方酣，遂命心腹數十人，遶城大呼曰：齊師已至城外矣。吾等速

治行李三日內便要起身。因繼以哭。郈衆大驚，俱集于侯氏之門。此時老弱惟有涕泣，那壯者無不咬牙切齒，憤恨侯犯。忽見門內藏甲甚多，正適其用。大家捨得穿著起來，各執兵器，發聲喊將侯犯家四面圍住，連守城之兵都反了。侯氏與衆助興了。駟赤亟入告侯犯曰：「郈衆不願附齊，滿城俱變，子更有甲兵否？吾請率而攻之。」犯曰：「甲兵俱被衆掠取矣。今日之事，免禍爲上。」駟赤曰：「吾捨命送子，遂出謂衆曰：『汝等讓一路容侯氏出奔，侯氏去，齊師亦不至矣。』衆人依言，放開一路。駟赤當先，侯犯在後，家屬尚百餘人，車十餘乘。駟赤直送出東門，因引魯兵入于郈城，安撫百

姓。何忌請追侯犯，駟赤曰：「臣已許之，免禍矣，乃縱之，不追遂墮郈城三尺，卽用駟赤爲郈宰。侯犯奔齊師，穰苴知魯師已定，郈乃班師還齊。州仇何忌亦回魯國。公山不狃初聞侯犯據郈以叛，叔仲二家往討，喜曰：「李氏孤矣，乘虛襲魯國可得也。」遂盡驅費衆，殺至曲阜。叔孫輒爲內應，開門納之。定公急召孔子問計，孔子曰：「公徒弱，不足用也。」臣請御君以往，季氏遂驅車至季氏之宮，宮內有高臺，堅固可守。定公居之，少頃，司馬申旬須樂頎俱至。孔子命季斯盡出其家甲，以授司馬，使伏于臺之左右，而使公徒列于臺前。公山不狃同叔孫輒商議曰：「我等此舉，以扶公室，抑私



正人聞  
未聞方  
八聖人

家為名不奉魯侯為主季氏不可克也乃齊叩公宮索定  
公不得盤桓許父知已往季氏遂移兵來攻與公徒戰公  
徒皆散走忽然左右大譟申句須樂頎二將領著精甲殺  
至孔子扶定公立于臺上謂費人曰吾君在此汝等豈不  
知順逆之理速速解甲既往不咎費人知孔子是箇聖人  
誰敢不聽俱舍兵拜伏臺下公山不狃叔孫輒勢窮遂出  
奔吳國去了叔孫州仇回魯言及郈都已墮季斯亦命墮  
了費城復其初制何忌亦欲墮成都成宰公斂陽問計于  
少正卯卯曰郈費因叛而墮若并墮成  
以刑子于叛臣  
乎汝但云成乃魯國北門之守若墮成齊師侵我北鄙何

以禦之堅持其說雖拒命不為叛也陽從其計使其徒穿  
甲而登城謝叔孫氏曰吾非為叔孫氏守為魯社稷守也  
恐齊兵旦暮猝至無守禦之固願捐此性命與城俱碎不  
敢動一磚一土孔子笑曰陽不辨此語必聞人  
少正教之  
耳季斯嘉孔子定費之功自知不及萬分之一使攝行相  
事每事諮謀而行孔子有所陳說少正卯輒變亂其詞聽  
者多為所惑孔子密奏于定公曰魯之不振繇忠佞不分  
刑賞不立也夫護嘉苗者必去莠草願君勿事姑息請出  
太廟中斧鉞陳於兩觀之下  
兩觀者門名  
以懸象魏  
定公曰善明日  
使羣臣參議成城不墮利害俱聽孔子裁決眾人或言當

隨或言不當隨少正卯欲迎合孔子之意獻墮成六便何謂六便

一君無二尊

二歸重都城形勢

三抑私門

四使跋扈家臣無所憑藉

五平三家之心

六使鄰國聞魯國興革當理知所敬重

孔子奏曰卯誤矣成已作孤立之勢何能為哉况公斂陽忠于公室豈跋扈之比卯辨言亂政離間君臣按法當誅羣臣皆曰卯乃魯聞人言或不當罪不及死孔子復奏曰卯言偽而辨行僻而堅徒有虛名惑眾不誅之無以為政臣職在司寇請正各錄之典遂命力士縛卯于兩觀之下

斬之詳臣莫不變色三家心中亦俱凜然史臣有詩云

養高華士太公誅

孔子偏將少正除

不是聖人開正眼

世間盡讀兩人書

自少正卯誅後孔子之意始得發舒定公與三家皆虚心以聽之孔子乃立綱陳紀教以禮義養其廉恥故民不擾而事治三月之後風俗大變市中鬻羔豚者不飾虛價男女行路分別左右不亂遇路有失物恥非己有無肯拾取者四方之客一入魯境皆有常供不至缺乏賓至如歸國人歌之曰

袞衣章甫

來適我所

章甫袞衣

慰我無私

此歌詩傳至齊國齊景公大驚曰吾國必為魯所并矣不知景公如何計較且看下回分解

第七十九回

歸女樂黎彌阻孔子

棲會稽文種通宰嚭

話說齊侯自會夾谷歸後晏嬰病卒景公哀泣數日正憂朝中乏人復聞孔子相魯魯國大治驚曰魯相孔子必霸霸必爭地齊為近鄰恐禍之先及奈何大夫黎彌進曰君患孔子之用何不沮之景公曰魯方任以國政豈吾所能沮乎黎彌曰臣聞治安之後驕逸必生請盛飭女樂以遺魯君魯君幸而受之必然怠于政事而踈孔子孔子見踈必棄魯而適他國君可安枕而臥矣景公大悅即命黎彌於女閭管仲所設即今樂戶之中擇其貌美年二十以內者共八十

人分爲十隊。各衣錦繡。教之歌舞。其舞曲名康樂。聲容皆出。新製。備態極妍。前所未有。教習已成。又用良馬一百二十匹。金勒彫鞍。毛色各別。望之如錦。使人致獻魯侯。使者張設錦棚二處。於魯高門之外。魯城南門東棚安放馬羣。西棚陳列女樂。先致國書于定公。公發書看之。書曰。

杵曰頓首。啓魯賢侯殿下。孤向者獲罪夾谷。愧未忘心。幸賢侯鑒其謝過之誠。克終會好。日以國之多虞。聘問缺然。茲有歌婢十羣。可以侑歡。良馬三十駟。可以服車。敬致左右。聊申悅慕。伏惟存錄。

且說魯相國季斯安享太平。忘其所自。侈樂之志。已伏留

中。忽聞齊饋女樂。如此之盛。不勝豔慕。即時換了微服。與心腹數人。乘車潛出南門。往看那樂長方在演習。歌聲遏雲。舞態生風。一進一退。光華奪目。如遊天上。覩仙姬。非復人間思想所及。季斯看了多時。又閱其容色之美。服飾之華。不覺手麻脚軟。目睜口呆。意亂神迷。竟消魄奪。魯定公一日三宣季斯爲貪看女樂。竟不赴召。至次日。方入宮來。見定公。定公以國書示之。季斯奏曰。此齊君美意。不可卻也。定公亦有想慕之意。便問女樂何在。可試觀否。季斯曰。見列高門之外。車駕如往。臣當從行。但恐驚動百官。不如微服爲便。於是君臣皆更去法服。各乘小車。馳出南門。竟

到西棚之下。早有人傳出魯君易服親來觀樂了。使者分付女子用心獻技。那時歌喉轉嬌。舞袖增艷。十隊女子更番迭進。真乃盈耳奪目。應接不暇。把魯國君臣二人喜得手舞足蹈。不知所以。有詩為證。

一曲嬌歌一塊金

一番妙舞一盤珠

只因十隊女人面

改盡君臣兩箇心

從人又娉東棚良馬。定公曰：只此已是極觀。不必又問馬矣。是夜定公入宮。一夜不寐。耳中猶時聞樂聲。若美人之在枕畔也。恐羣臣議論不一。次早獨宣季斯入宮。草就書中備述感激之意。不必盡述。又將黃金百鎰贈與

使將女樂收入宮中。以三十人賜季斯。其馬付于圉人。餵養。定公與季斯新得女樂。各自受用。日則歌舞。夜則枕席。一連三日。不去視朝聽政。孔子聞知此事。凄然長嘆。時弟子仲子路在側。進曰：魯君怠于政事。夫子可以行矣。孔子曰：郊祭已近。倘大禮不廢。國猶可為也。及祭之期。定公行禮方畢。即便回宮。仍不視朝。并胙肉亦無心分給。主胙者叩宮門請命。定公諉之。季孫季孫又諉之家臣。孔子從祭而歸。至晚不見胙肉。頒到。乃告子路曰：吾道不行。命也夫。乃援琴而歌曰：

彼婦之口

可以出走

彼女之謁

隘叶

可以死敗

優哉游哉

聊以卒歲

歌畢遂束裝去魯子路冉有亦棄官從孔子而行自此魯國復衰史臣有詩云

幾行紅粉勝鋼刀

不是黎彌巧計高

天運凌夷成瓦解

豈容魯國獨甄陶

孔子去魯適衛衛靈公喜而迎之問以戰陣之事孔子對曰丘未之學也次日遂行過宋之匡邑匡人素恨陽虎見孔子之貌相似以為陽虎復至聚眾圍之子路欲出戰孔子止之曰其無仇于匡是必有故不义當自解乃安坐鳴琴適靈公使人追還孔子匡人乃知其誤謝罪而去孔子

宋朝  
子路出

復還衛國主于賢大夫濂瑗之家且說靈公之夫人曰南

子宋女也有美色而淫在宋時先與公子朝相逐朝亦男

子中絕色兩美相愛過於天婦既歸靈公生蒯瞶已長立

為世子而舊情不斷時又有美男子曰彌子瑕素得君之

寵愛嘗食桃及半以其餘推入靈公之口靈公悅而啖之

姱於人曰子瑕愛寡人甚矣一桃味美不忍自食而分啖

寡人羣臣無不竊笑子瑕恃寵弄權無所不至靈公外嬖

子瑕而內懼南子思以媚之乃時時召宋朝與夫人相會

醜聲遍傳靈公不以為恥蒯瞶深恨其事使家臣戲陽速

因朝見之際刺殺南子以滅其醜南子覺之訴于靈公靈

提毋奸  
亦非正道  
為贖計號  
出而誅堂  
不從則  
門自省  
國則靈公  
之無名  
後日紛  
紛爭奪亦  
可爭矣

公逐蒯賁賁奔宋轉又奔晉靈公立蒯賁之子輒為世子  
及孔子再至南子請見之知孔子為聖人倍加敬禮忽一  
日靈公與南子同車而出使孔子為倍乘過街市市人歌

曰

同車者色耶

從車者德耶

孔子嘆曰君之好德不如好色乃去衛適宋與弟子習禮  
于大樹之下宋司馬桓魋亦以男色得寵于景公方貴幸  
用事忌孔子之來遂使人伐其樹欲求孔子殺之孔子微  
服去宋適鄭將適晉至河聞趙鞅殺賢臣竇犇舜華嘆曰  
鳥獸惡傷其類况人乎復返衛未幾衛靈公卒國人立輒

為君是為出公蒯賁亦藉晉援與陽虎襲戚據之是時衛  
父子爭國晉助蒯賁齊助輒孔子惡其逆理復去衛適陳  
又將適蔡楚昭王聞孔子在陳蔡之間使人聘之陳蔡大  
夫相議以為楚用孔子陳蔡危矣乃相與發兵圍孔子於  
野孔子絕糧三日而絃歌不輟今開封府陳州界有地名  
桑落其地有臺名曰厄臺即孔子當時絕糧處宋劉敞有  
詩云

四海栖栖一旅人

絕糧三日死生鄰

自是天心勞木鐸

豈關陳蔡有愚臣

忽一晚有異人長九尺餘阜衣高冠披甲持戈向孔子大

咤聲動左右。子路引出，與戰於庭。其人力大，子路不能取勝。孔子從旁諦視良久，謂子路曰：「何不探其脅？」子路遂探其脅。其人力盡，手垂，敗而仆地，化為大鮎魚。弟子怪之。孔子曰：「凡物老而衰，則羣精附焉。殺之則已，何怪之有？」命弟子烹之，以充飢。弟子皆喜曰：「天賜也。」楚使者發兵以迎孔子。孔子至楚，昭王大喜，將以千社二十五家為里，必有社之地封孔子。令尹子西諫曰：「昔文王在豐，武王在鎬，地僅百里，能修其德，卒以代殷。今孔子之德，不下文武。弟子又皆大賢，若得據土壤，其代楚不難矣。」昭王乃止。孔子知楚不能用，乃復還衛。衛出公欲任以國政，孔子拒之。魯相國季孫肥即季

庶之子乃季

亦來召其門人冉有、孔子，因而反魯。魯以大

告老之禮待之。於是諸弟子中，子路子羔

即高柴仕于衛。子

貢

即端木賜

冉有、有若、宓子賤

名不齊

仕於魯。這都是後話。敘明

留作話柄。再說吳王闔閭自敗楚之後，威震中原，頗事遊

樂。乃大治宮室，建長樂宮于國中，築高臺于姑蘇山。山在

城西南三十里。一名姑胥山。於胥門外為徑九曲，以通山

路。春夏則治于城外，秋冬則治于城中。忽一日，想起越人

伐吳之恨，謀欲報之。忽聞齊與楚交通，聘使怒曰：「齊楚通

好，此我北方之憂也。欲先伐齊，後及越。」相國子胥進曰：「交

聘乃鄰國之常，未必助楚害吳。不可遽興兵旅。今太子波

貢有若賤出見



元妃已歿，未有繼室。王何不遣使求婚于齊，如其不從，伐之未晚。闔閭從之，使大夫王孫駱往齊，爲太子波求婚。時景公年已老，髦志氣衰頹，不能自振。宮中止一幼女未嫁，不忍棄之。吳地無奈，朝無良臣，邊無良將，恐一拒吳命，與師來伐，如楚國之受禍，悔之何及。大夫黎彌亦勸景公結婚于吳，勿激其怒。景公不得已，以女少姜許婚。王孫駱回復吳王，王復遣納幣于齊，迎齊女歸國。景公愛女畏吳，兩念交迫，不覺流淚出涕，嘆曰：「若平仲穰，其一人在此，孤豈憂吳人哉？」謂大夫鮑牧曰：「煩卿爲寡人致女于吳，此寡人之愛女，囑吳王善視之。」臨行，親扶少姜登車，送出南門而

反。鮑牧奉少姜至吳，敬致齊侯之命，因而慕子胥之賢，深相結納，不在話下。却說少姜年幼，不知夫婦之樂，與太子波成婚之後，一心只想念父母，日夜號泣。太子波再三撫慰，其哀不止，遂抑鬱成病。闔閭憐之，乃改造北門城樓，極其華煥，更其名曰望齊門。令少姜日遊其上，少姜凭欄北望，不見齊國，悲哀愈甚，其病轉增。臨絕命，囑太子波曰：「妾聞虞山之巔，可見東海，乞葬我於此，倘冤魄有知，庶幾一望齊國也。」波奏聞其父，乃葬于虞山頂上。今常熟縣虞山有齊女墓，又有望海亭是也。有張洪齊女墳詩爲證，詩曰：

南風初勁北風微

爭長諸姬復娶齊

越境定須千兩送  
望鄉不憚登臺遠

蔓草垂垂猶泣露

半途應拭萬行啼  
埋恨惟嫌起塚低  
倩誰滴向故鄉泥

太子波憶念齊女亦得病未幾卒闔閭欲於諸公子中擇可立者意猶未定欲召子胥決之太子波前妃生子名夫差年已二十六歲矣生得昂藏英偉一表人材聞其祖闔閭擇嗣乃先趨見子胥曰我嫡孫也王欲太子舍我其誰此在相國一言耳子胥許之少頃闔閭使人召子胥商議立儲之事子胥曰立子以嫡則亂不生今太子雖不祿有嫡孫夫差在闔閭曰吾觀夫差愚而不仁恐不能奉吳之

其人枉  
其命後  
激伯語  
在枉為  
救可惜  
如此英雄  
此為無珠

統子胥曰夫差信以愛人敦于禮義父死子代經之明文又何疑焉闔閭曰寡人聽子子善輔之遂立夫差為太孫夫差至子胥家稽首稱謝周敬王二十四年闔閭年老性益躁闔越王允常薨子句踐新立遂欲乘喪伐越子胥諫曰越雖有襲吳之罪然方有大喪伐之不祥宜少待之闔閭不聽畱子胥與太孫夫差守國自引伯嚭王孫駱鱗毅等選精兵三萬出南門望越國進發越王句踐親自督師禦之諸稽郢為大將靈姑浮為先鋒疇無餘胥犴為左右翼與吳兵相遇于檣李相拒十里各自安營下寨兩下挑戰不分勝負闔閭大怒遂悉衆列陳于五臺山府城西北戒軍

中毋得妄動。俟越兵懈怠，然後乘之。句踐望見吳陣上隊伍整齊，戈甲精銳，謂諸稽郢曰：「彼兵勢甚振，不可輕敵。必須以計亂之。」乃使大夫疇無餘胥犴督敢死之士，左五百人，各持長鎗，右五百人，各持大戟，一聲吶喊，殺奔吳軍。吳陣上全然不理，陣脚都用弓弩手把住，堅如鐵壁。冲突三次，俱不能入，只得回轉。句踐無可奈何，諸稽郢密奏曰：「罪人可使也。」句踐悟，次日密傳軍令，悉出軍中所攜死罪者，凡死罪者攜之軍中，借以立法。共三百人，分爲三行，俱袒衣注劔于頸，安步造于吳軍爲首者前，致辭曰：「吾主越王不自量力，得罪于上國，致辱下討，臣等不敢愛死，願以死代越王之罪。」言

古人輕生  
罪人故可  
使若今日  
能復行乎

畢，以次自到。吳兵從未見如此舉動，甚以爲怪，皆注目而觀之，互相傳語，正不知其何故。越軍中忽然鳴鼓，鼓聲大振，疇無餘胥犴帥死士三隊，各擁大楯，持短兵，呼哨而至。吳兵心忙，隊伍遂亂。句踐統大軍繼進，右有諸稽郢，左有靈浮姑，冲開吳陣。王孫駱捨命與諸稽郢相持，靈浮姑奮長刀，左冲右突，尋人斫殺。正遇吳王闔閭，靈浮姑將刀便砍，闔閭望後一閃，刀砍中右足，傷其將指，指大一履墜于車下。却得縛殺兵到，救了吳王。專毅身被重傷，王孫駱知吳王有失，不敢戀戰，急急收兵，被越兵掩殺一陣，死者過半。闔閭傷重，卽刻班師回寨。靈浮姑取吳王之履獻功，句

踐大悅却說吳王因年老不能忍痛回至七里之外大叫一聲而死伯嚭護喪先行王孫駱引兵斷後徐徐而返越兵亦不追越史官有詩論闔閭用兵不息致有此禍詩曰

破楚凌齊意氣豪

好兵終在兵中死

又思吞越起兵刀

順水叮嚀莫放篙

吳太孫夫差迎喪以歸成服嗣位卜葬于破楚門外之海湧山發工穿山為穴以專諸所用魚腸之劍殉葬其他劍甲六千副金玉之玩充物其中既葬盡殺工人以殉三日後有人望見葬處有白虎蹲踞其上因名曰虎丘山識者以為埋金之氣所現後來秦始皇使人發闔閭之墓鑿山

求劍無所得其鑿處遂成深澗今虎丘劍池是也鱗殺傷重亦死附葬于山後今亦不知其處矣夫差既葬其祖立長子友為太子使侍者十人更番立于庭中每自己出入經繇必大聲呼其名而告曰夫差爾忘越王殺爾之祖乎即泣而對曰唯不敢忘欲以儆惕其心命子胥伯嚭練水兵于太湖地名練瀆又立射棚于靈巖山以訓射俟三年喪畢便為報仇之舉此周敬王二十四年事也是時晉頃公失政六卿樹黨爭權自相魚肉荀寅即范氏與士吉射即中行氏相睦結為婚姻韓不信魏曼多魏舒子忌之荀躒即智氏有寵臣曰梁嬰父躒欲以為卿嬰父恃荀躒之愛謀逐荀寅而代

其位故荀躒亦與范氏中行氏相惡。上卿趙鞅有族子名午，封于邯鄲。午之母荀寅之姊，故寅呼午為甥。先年衛靈公與齊景公合謀叛晉，晉趙鞅帥師伐衛，衛懼，貢戶口五百家謝罪。鞅畱于邯鄲，謂之衛貢。未幾，鞅欲遷五百家以實晉陽。鞅私邑午恐衛人不服，未即奉命。鞅怒午之抗已，遂誘午至晉陽，執而殺之。荀寅怒趙鞅私殺其甥，因與士吉射商議，欲共伐趙氏。為邯鄲午報仇。趙氏有謀臣曰董安于，時為趙氏守晉陽城。聞二氏之謀，特至絳州告于趙鞅。曰：「范中行方睦，一旦作亂，恐不可制。主君宜先為之備。」趙鞅曰：「晉國有令，始禍必誅，待其先發而後應之，可也。」董安

于曰：「與其多害百姓，寧我獨死。若有事，安于當之。」鞅不可。安于乃私具甲兵以伺其變。荀寅士吉射倡言于眾曰：「董安于治兵將以害我，於是連兵以伐趙氏，圍其宮，却得董安于有備，引兵殺開一條血路，保護趙鞅奔晉陽城。恐二氏來攻，建壘自守。荀躒謂韓不信，魏曼多曰：「趙氏六卿之長，寅與吉射不繇君命而擅逐之，政其歸二家矣。」韓不信曰：「盍以始禍為罪而并逐之。」三人遂同請于定公，各率家甲奉定公以伐二家。寅吉射悉在戰，不能取勝。吉射謀劫定公，韓不信遽使人呼于市中曰：「范中行氏謀反，來劫其君矣。」國人信其言，各執兵器來救定公。三家借國人之

衆殺敗范中行之兵。寅吉射奔于朝歌，以叛韓。不信，告于定公曰：「范中行實爲首禍，今已逐矣。」趙氏世有大功于晉，宜復鞅位。定公言無不從，遂召鞅于晉陽，復其爵祿。梁嬰父欲代荀寅爲卿，荀躒言于趙鞅。鞅問董安于，安于曰：「晉惟政出多門，故禍亂不息。若立嬰父，是乃又置一荀寅也。」鞅乃不從。嬰父怒，知爲董安于所阻，謂荀躒曰：「韓魏黨于趙，智氏之勢孤矣。趙氏所恃者，其謀臣董安于也。何不去之？」躒問曰：「去之何策？」嬰父曰：「安于私吳甲兵，以激成范中行之變。若論始禍，還是安于爲首。荀躒如嬰父之言，以責趙鞅。鞅懼，董安于曰：『臣向者固以死自期矣。』」臣死而趙氏

安，是死賢于生也。乃退而自縊。趙鞅乃陳其屍于市，使人告于荀躒曰：「安于已伏罪矣。」荀躒乃與趙鞅結盟，各無相害。鞅私祀董安于於家廟之中，以答其勞。寅吉射久據朝歌，諸侯叛晉者，皆欲借之以害晉。趙鞅屢次興師攻之，齊魯鄭衛遣使輸粟助兵，以救二氏。鞅不能克，直至周敬王三十年，趙鞅合韓魏智三家之兵，攻下朝歌。寅吉射奔邯鄲，再奔柏人。未幾，柏人城復破，其黨范臯夷、張柳朔俱戰死。豫讓爲荀躒子荀甲所獲，甲子荀瑤請而活之，遂爲智氏之臣。寅吉射逃奔齊國，去訖。可憐荀林父五傳至寅士，爲七傳。至吉射，祖宗俱晉室股肱之臣也。子孫貪橫，遂至

異日國士  
之報在此

滅宗豈不哀哉。晉六卿自此只有趙韓魏智四卿矣。此是後話。髯仙有詩云

六卿相并或存亡  
四氏瓜分謀愈急

總是私門作主張  
不如畱却范中行

且說周敬王二十六年春二月吳王夫差除喪已久乃告

于太廟與傾國之兵使子胥為大將伯嚭副之從太湖取

水道攻越越王句踐集君臣計議出師迎敵大夫范蠡字

少伯出班奏曰吳恥喪廿八君誓矢圖報者三年于茲矣其

志憤其力齊不可當也范蠡斂兵為堅守之計大夫文種字

魯奏曰以愚見莫若卑謝罪以乞其和俟其兵退而後

范蠡文種

出見

據劉子云

范蠡吹於

不實文種

范蠡吹於

句踐若再  
勝吳必不  
能虛心于  
又范必不  
能滅吳稱  
伯天之以  
困成人夫  
卒如此

圖之句踐曰二卿言守言和皆非至計夫吳吾世仇也伐

而不戰以我不能軍矣乃悉起國中丁壯共三萬人迎于

椒山在太湖中之下初合戰吳兵稍却殺傷約百十人句

踐趨利直進約行數里正遇夫差大軍兩下布陣大戰夫

差立于船頭親自秉枹擊鼓以激厲將士勇氣十倍忽北

風大起波濤洶湧子胥伯嚭各乘餘艘大艦順風揚帆而

下俱用強弓勁弩箭如飛蝗般射來越兵迎風不能抵敵

大敗而走吳兵分三路逐之越將靈浮姑舟覆溺水而死

胥犴中箭亦亡吳兵乘勝追逐殺死不計其數句踐奔至

固城自保吳兵圍之數重絕其汲道夫差喜曰不出十日

越兵俱渴死矣。誰知山頂之上自有靈泉。泉有嘉魚。句踐命取魚數百頭以饋吳王。吳王大驚。句踐留范蠡堅守。自帥殘兵乘間奔會稽山。山在紹興府城東南點閱甲楯之數。纔剩得五千餘人。句踐歎曰。自先君至於孤。三十年來。未嘗有此敗也。悔不聽范文二大夫之言。以至如此。吳兵攻固城益急。子胥營于右。伯嚭營于左。范蠡告急。一日三至。越王大恐。文種獻謀曰。事急矣。及今請成。猶可及也。句踐曰。吳不許成。奈何。文種對曰。吳有太宰伯嚭者。其人貪財好色。忌功嫉能。與子胥同朝。而志趣不合。吳王畏事子胥。而懼于嚭。若私詣太宰之營。結其歡心。與定行成之約。太宰言于

吳王。無不聽。子胥雖知而阻之。亦無及矣。句踐曰。卿見太宰。以何為賂。種對曰。軍中所乏者女色耳。誠得美女而獻之。天若祚越。嚭當見聽。句踐乃連夜遣使至都城。越都在乘命夫人選宮中之有色者。得八人。盛其容飾。加以白璧二十雙。黃金千鎰。夜造太宰之營。求見。太宰嚭初欲拒絕。姑使人探其來狀。聞有所齎獻。乃召入。嚭偕坐以待之。文種跪而致詞曰。寡君句踐。年幼無知。不能善事大國。以致獲罪。今寡君已悔恨無及。願舉國請為吳臣。而恐王見咎。不納。知太宰以嵬嵬功德。外為吳之干城。內作王之心膂。寡君使下臣種。先叩首于轅門。借重一言。收寡君于宇下。



不腆之儀聊效薄質自此當源源而來矣乃以賄單呈上  
 詔猶作色謂曰越國旦暮且破滅矣凡越所有何患不歸  
 吳而以此區區者啖我為耶種復進曰越兵雖敗然保會  
 稽者尚有精卒五千堪當一戰戰而不捷將盡焚庫藏之  
 積竄身異國以圖楚王之事言如楚昭王乞師自救安得遽為吳有  
 耶即使吳盡有之然大半歸于王宮太宰同諸將不過瓜  
 分一二孰若主越之成寡君非委身于王實委身于太宰  
 也春秋貢獻未入王宮先入宰府是太宰獨擅全越之利  
 諸將不得與焉况困獸猶鬪背城一戰尚有不可測之事  
 乎這一席話說入伯嚭之心不覺點頭微笑文種又指單

上所開美人曰此八人者皆出自越宮若民間更有美於  
 此者寡君若生還越國當竭力搜求以備太宰掃除之數  
 伯嚭起立曰大夫舍右營而趨左以其無乘危害人之意  
 也某來朝當引子先見吾王以決其議遂盡收所獻畱種  
 于營中叙賓主之禮次早同造中軍來見夫差伯嚭先入  
 備道越王句踐使文種請成之意夫差勃然曰越與寡人  
 有不共戴天之恨安得允其成哉嚭對曰王不記孫武之  
 言乎兵凶器可暫用而不可久也越雖得罪于吳然其下  
 吳者已至矣其君請為吳臣其妻請為吳妾越國之寶器  
 珍玩盡掃以貢于吳宮所乞于王者僅存宗祀一線耳夫

受越之降厚實也。赦越之罪顯名也。名實俱收，吳可以伯。必欲窮兵力以誅越，彼句踐將焚宗廟，殺妻子，沈金玉于江，率死士五千人，致死于吳，得無有所傷于王之左右乎？與其殺是人，孰若得是國之爲利？夫差曰：「今文種安在？」詔對曰：「見在幕外候宣。」夫差乃命種入見。種膝行而前，復申前說，加以卑遜。夫差曰：「汝君請爲臣妾，能從寡人入吳否？」種稽首曰：「旣爲臣妾，死生在君，敢不服事于左右。」詔曰：「句踐夫婦願來吳國，吳名雖赦，越實已得之矣。王又何求焉？」夫差乃許其成。早有人到右營報知子胥，子胥急趨至中軍，見伯嚭同文種立于王側。子胥怒氣盈面，問吳王曰：「王

已許越和乎？」王曰：「已許之矣。」子胥連叫曰：「不可，不可，嚇得文種倒退幾步，靜聽其說。」子胥諫曰：「越與吳鄰，有不兩立之勢，若吳不滅越，越必滅吳。夫秦晉之國，我攻而勝之，得其地不能居，得其車不能乘，如攻越而勝之，其地可居，其舟可乘，此社稷之利，不可棄也。况又有先王大仇，不滅越，何以謝立庭之誓乎？」夫差語塞，不能對。惟以目視伯嚭，伯嚭前奏曰：「相國之言誤矣。先王建國，水陸並封，吳越宜水。秦晉宜陸，若以其地可居，其舟可乘，謂吳越必不能共存，則秦晉齊魯皆陸國也，其地亦可居，其車亦可乘，彼四國者亦將并而爲一乎？若謂先王大仇，必不可赦，則相國之

仇楚者更甚。何不遂滅楚國而遽許其和耶。今越王夫婦皆願服役于吳。視楚僅納羊勝。更不相同。相國自行忠厚之事。而欲王居刻薄之名。忠臣不如是也。夫差喜曰。太宰之言有理。相國且退。俟越國貢獻至日。當分贈汝氣。得子胥面如土色。嘆曰。吾悔不聽被離之言。與此佞臣同事。口中恨恨不絕。只得步出幕府。謂大夫王孫雄曰。越十年生聚。再加以十年之教訓。不過二十年。吳宮爲沼矣。雄意殊未深信。子胥含憤。自回右營。夫差命文種回復越王。再到吳軍申謝。夫差問越王夫婦入吳之期。文種對曰。寡君蒙大王赦而不誅。將暫假歸國。悉歛其玉帛子女。以貢于吳。願大王稍寬其期。其或負心失信。安能逃大王之誅乎。夫差許諾。遂約定五月中旬。夫婦入臣於吳。遣王孫雄押文種同至越國。催促起程。太宰伯嚭屯兵一萬于吳山。在杭州爲吳越之界以候之。如過期不至。滅越歸報。夫差引大軍先回。畢竟越王如何入吳。且看下回分解。



